



Broj: 01,02-50-16-179-2,8/25
Sarajevo, 22. 1. 2025.

Na osnovu člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), člana 51. stav (9) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09) i Odluke o raspisivanju javnog konkursa, broj: 01,02-50-16-179-2,6/25 od 22. 1. 2025, **Privremena zajednička komisija oba doma Parlamentarne skupštine Bosne i Hercegovine za provođenje procedure za izbor sedam članova Upravnog odbora Agencije za razvoj visokog obrazovanja i osiguranje kvaliteta** r a s p i s u j e

JAVNI KONKURS
za izbor članova Upravnog odbora
Agencije za razvoj visokog obrazovanja i osiguranje kvaliteta
Broj izvršilaca: sedam – dva Bošnjaka, dva Srbina, dva Hrvata i jedan ostali

Javni konkurs raspisuje se za izbor sedam članova Upravnog odbora Agencije za razvoj visokog obrazovanja i osiguranje kvaliteta na period od tri godine.

1. Nadležnosti Upravnog odbora (član 12. Statuta Agencije za razvoj visokog obrazovanja i osiguranje kvaliteta („Službeni glasnik BiH“, broj 86/09):

Nadležnosti Upravnog odbora su: donosi Statut Agencije i dostavlja ga Vijeću ministara BiH na saglasnost; daje saglasnost na pravilnike koje predlaže Agencija iz svojih nadležnosti u razvoju visokog obrazovanja i osiguranja kvaliteta definiranih u čl. 6. i 7. ovog statuta; osigurava da rad Agencije bude u skladu s nadležnostima utvrđenim u Okvirnom zakonu o visokom obrazovanju u Bosni i Hercegovini; osigurava da rad Agencije bude u skladu s politikama prioriteta Vijeća ministara BiH i Parlamentarne skupštine BiH u reformi visokog obrazovanja u Bosni i Hercegovini i usvaja program rada Agencije za narednu kalendarsku godinu najkasnije do 31. januara tekuće godine, kojim se detaljno uređuju aktivnosti, poslovi i finansiranje Agencije; nadzire provođenje programa rada Agencije; rješava žalbe na rješenje o poništenju rješenja o akreditaciji; određuje vrste usluga koje Agencija pruža uz nadoknadu i visinu nadoknade za pružene usluge; prije 31. marta svake godine usvaja izvještaj o radu Agencije u prethodnoj godini koji se dostavlja Vijeću ministara BiH; jednom godišnje pismeno izvještava Parlamentarnu skupštinu BiH o svom radu; obavlja i druge poslove u skladu s Okvirnim zakonom o visokom obrazovanju i Statutom.

2. Opći uslovi

Kandidat za člana Upravnog odbora Agencije mora ispunjavati sljedeće opće uslove:

- da je državljanin Bosne i Hercegovine, stariji od 18 godina,
- da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere, u periodu od tri godine prije dana objavljivanja upražnjene pozicije,

- da protiv njega nije pokrenut krivični postupak za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem, u skladu s krivičnim zakonom u Bosni i Hercegovini,
- da se na njega ne odnosi član IX. stav 1. Ustava BiH.

3. Posebni uslovi

Pored općih uslova, kandidat za člana Upravnog odbora Agencije mora ispunjavati i sljedeće posebne uslove, i to:

- visoka stručna sprema (VII. stepen obrazovanja, odnosno bolonjskog procesa školovanja, sa ostvarenih 240 ECTS bodova) - akademsko zvanje redovnog univerzitetskog profesora uslov je za najmanje dva člana Upravnog odbora Agencije
- radno iskustvo u privredi s visokom stručnom spremom (VII. stepen obrazovanja, odnosno bolonjskog procesa školovanja, sa ostvarenih 240 ECTS bodova) u trajanju od najmanje 5 godina, od čega najmanje 3 godine na rukovodećim pozicijama - uslov za jednog člana Upravnog odbora Agencije,
- status redovnog studenta na akreditiranoj visokoškolskoj ustanovi i minimalni prosjek ocjena 8,0 ili 3,5 - uslov za jednog člana Upravnog odbora Agencije iz reda studenata,
- znanje engleskog jezika,
- iskustvo u aktivnostima evropskog područja visokog obrazovanja, posebno evropskih standarda za ocjenu i reviziju kvaliteta i planiranja razvoja visokog obrazovanja,
- iskustvo u reformi sistema visokog obrazovanja u Bosni i Hercegovini.

4. Potrebni dokumenti

Uz prijavu na javni konkurs, kandidat je dužan priložiti:

1. biografiju sa izjavom o nacionalnom opredjeljenju, adresom, e-mail adresom i kontakt-telefonom,
2. uvjerenje o državljanstvu Bosne i Hercegovine (ne starije od šest mjeseci),
3. ovjerenu kopiju fakultetske diplome (nostrificiranu diplomu ako fakultet nije završen u BiH ili je diploma stečena u nekoj drugoj državi nakon 6. 4. 1992), a kandidati koji su visoko obrazovanje stekli po bolonjskom procesu školovanja - najmanje 240 ECTS bodova - uz ovjerene kopije univerzitetskih diploma trebaju dostaviti i ovjerene kopije dodatka univerzitetskih diploma),
4. dokaz o akademskom zvanju redovnog univerzitetskog profesora (za kandidate iz tačke 3. Posebni uslovi alineja 1),
5. potvrda poslodavca o radnom iskustvu za kandidata iz oblasti privrede i prakse (za kandidate iz tačke 3. Posebni uslovi alineja 2),
6. potvrda akreditirane visokoškolske ustanove o statusu redovnog studenta (za kandidate iz tačke 3. Posebni uslovi alineja 3),
7. dokaz o znanju engleskog jezika,
8. potpisanu izjavu s detaljnim navođenjem iskustva u aktivnostima evropskog područja visokog obrazovanja, posebno evropskih standarda za ocjenu i reviziju kvaliteta i planiranja razvoja visokog obrazovanja,
9. potpisanu izjavu s detaljnim navođenjem iskustva u reformi sistema visokog obrazovanja u BiH,
10. dokaz da se protiv njega ne vodi krivični postupak (ne stariji od tri mjeseca),
11. izjavu da nije otpušten iz državne službe u institucijama BiH, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije (ovjerenu od nadležnog organa),

12. izjavu da se na njega ne odnosi član IX. stav 1. Ustava BiH (ovjerenu od nadležnog organa).

Dokumenti se dostavljaju u originalu ili u kopiji ovjerenoj od nadležnog organa, **ne starijoj od tri odnosno šest mjeseci, ako nije drugačije propisano.**

Napomena - dokumenti priloženi uz prijavu na javni konkurs neće se vraćati kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

5. Ostale napomene

Komisija će provesti proceduru u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

Komisija će pozvati na intervju sve kandidate koji ispunjavaju navedene uslove.

Prije intervjuja, svaki kandidat dužan je Komisiji za izbor dati podatke o ranijim neposrednim rukovodiocima od kojih se mogu dobiti preporuke i informacije o kandidatu, te popuniti obrazac - izjavu u kojoj će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Nakon intervjuja, Komisija će jedinstveni prijedlog rang-liste dostaviti Predstavničkom domu i Domu naroda Parlamentarne skupštine BiH radi imenovanja članova Upravnog odbora Agencije za razvoj visokog obrazovanja i osiguranje kvaliteta.

6. Podnošenje prijava

Javni konkurs objavljuje se u „Sužbenom glasniku BiH“ i „Službenom glasniku Brčko Distrikta BiH“, te u dnevnim listovima: „Glas Srpske“, „Večernji list“ i „Oslobođenje“.

Javni konkurs ostaje otvoren 15 dana od dana objavljivanja u „Službenom glasniku BiH“.

Prijave s traženim dokumentima dostavljaju se lično ili poštom preporučeno, uz naznaku „ne otvarati“, na adresu:

Parlamentarna skupština Bosne i Hercegovine
Privremena zajednička komisija oba doma Parlamentarne skupštine Bosne i Hercegovine za provođenje procedure za izbor sedam članova Upravnog odbora Agencije za razvoj visokog obrazovanja i osiguranje kvaliteta
JAVNI KONKURS za članove Upravnog odbora Agencije za razvoj visokog obrazovanja i osiguranje kvaliteta s naznakom „NE OTVARATI“
Trg BiH br. 1, 71000 Sarajevo

NAPOMENA* Neblagovremene, nepotpune i neuredne prijave neće biti razmatrane.

**Nediskriminacija – izrazi koji su radi preglednosti dati u jednom gramatičkom rodu odnose se bez diskriminacije i na muškarce i na žene.